

Bosna i Hercegovina
Federacija Bosne i Hercegovine
BOSANSKO-PODRINJSKI KANTON GORAŽDE
MINISTARSTVO ZA UNUTRAŠNJE POSLOVE
UPRAVA POLICIJE
Komisija za izbor
G O R A Ž D E

Broj: 07/I-30-2/21

Dana: 04.01.2021. godine

Na osnovu člana 58. Zakona o policijskim službenicima ("Službene novine BPK-a Goražde", broj: 13/19 i 7/20), člana 6. Pravilnika o načinu i rasporedu testiranja kandidata i sistemu bodovanja u procesu odabira policijskih službenika ("Službene novine BPK-a Goražde", broj: 12/20), Odluke Vlade Bosansko-podrinjskog kantona "Goražde" broj: 03-30-2374 od 29.12.2020. godine, Odluke o utvrđivanju upražnjenih radnih mjesta u početnim činovima broj: 07/I-30-8136/20 od 23.12.2020. godine i Rješenjem o formiranju Komisije za izbor broj: 07/I-30-8400/20 od 31.12.2020. godine, Komisija za izbor u Upravi policije Ministarstva za unutrašnje poslove Bosansko-podrinjskog kantona Goražde, ***r a s p i s u j e***:

JAVNI KONKURS

za popunu upražnjenih radnih mjesta policijskih službenika u Upravi policije Ministarstva za unutrašnje poslove Bosansko-podrinjskog kantona Goražde u početnom činu "policajac" i "mlađi inspektor"

1. Početni čin "POLICAJAC" - **22** izvršioaca;
2. Početni čin "MLAĐI INSPEKTOR" - **3** izvršioaca;

Za zasnivanje radnog odnosa policijskih službenika kandidati moraju ispunjavati sljedeće opće uvjete predviđene članom 54. Zakona o policijskim službenicima ("Službene novine BPK-a Goražde", broj: 13/19 i 7/20):

- državljanstvo Bosne i Hercegovine;
- životna dob od 18 do 27 godina za početni čin "policajac" i do 35 godina za početni čin "mlađi inspektor";
- IV stepen stručne spreme za čin "policajac", a za čin "mlađi inspektor" najmanje završen prvi ciklus visokog obrazovanja Bolonjskog sistema studiranja vrednovan sa najmanje 180 ECTS studijskih bodova ili VII stepen stručne spreme;
- da ima posebnu psihičku i fizičku zdravstvenu sposobnost;
- da posjeduje posebno propisan nivo psihičkih i fizičko-motoričkih sposobnosti i osobina;
- da kandidat nije otpušten sa bilo koje pozicije u organima uprave, institucija sa javnim ovlastima na svim nivoima vlasti u BiH ili vojne službe u BiH kao rezultat disciplinske sankcije;
- da protiv kandidata nije pokrenut krivični postupak i da nije izrečena pravomoćna kazna zatvora za krivično djelo, osim za krivična djela protiv sigurnosti saobraćaja u skladu sa krivičnim zakonodavstvom, te da nije kažnjavao za prekršaj sa obilježjem nasilja;
- da nema sigurnosnih smetnji u skladu sa Zakonom o zaštiti tajnih podataka;
- da nije optužen od Međunarodnog krivičnog tribunala za bivšu Jugoslaviju i da se nije odbio pojaviti pred Tribunalom.

Osoba iz člana 144. stav (3) Zakona o policijskim službenicima (kojoj je UN/IPTF odbio certifikaciju) izuzima se od primjene općeg uvjeta koji se odnosi na životnu dob kandidata.

Pored općih uvjeta koji se odnose na prijem u radni odnos policijskih službenika, kandidati moraju ispunjavati sljedeće posebne uvjete predviđene članom 5. Pravilnika o načinu i rasporedu testiranja kandidata i sistemu bodovanja u procesu odabira policijskih službenika, i to:

- položen vozački ispit „**B**“ kategorije;

Dokumenti koji se trebaju dostaviti uz prijavu na Javni konkurs:

1. dokaz o državljanstvu BiH (uvjerenje o državljanstvu BiH ne starije od 3 mjeseca);
2. izvod iz matične knjige rođenih;
3. dokaz o završenom IV stepenu školske spreme za početni čin „policajac“, odnosno dokaz o najmanje završenom prvom ciklusu visokog obrazovanja Bolonjskog sistema studiranja vrednovanog sa najmanje 180 ECTS bodova ili VII stepen stručne spreme za početni čin "mlađi inspektor" (diploma, odnosno nostrificirana diploma, ukoliko škola nije završena u BiH ili je diploma stečena u nekoj od država nastaloj raspadom SFRJ nakon 06.04.1992. godine);
4. potvrda ili uvjerenje organa uprave, institucija sa javnim ovlastima na svim nivoima vlasti u BiH ili vojne službe u BiH, da kandidat nije otpušten iz organa uprave, institucija sa javnim ovlastima ili vojne službe u BiH, kao rezultat disciplinske mjere, ne starije od tri mjeseca, (za kandidate koji su bili ili su još uvijek zaposleni u organima uprave, institucijama sa javnim ovlastima ili vojne službe), odnosno, od nadležnog organa ovjerena, izjava kandidata da nije bio uposlen niti otpušten iz organa uprave, institucija sa javnim ovlastima ili vojne službe kao rezultat disciplinske mjere (za kandidate koji nisu niti su bili uposlenici organa uprave, institucija sa javnim ovlastima ili vojne službe);
5. izjava kandidata, ovjerena od strane nadležnog organa, da kandidat nije optužen od Međunarodnog krivičnog tribunala za bivšu Jugoslaviju i da nije odbio pojaviti se pred Tribunalom;
6. ovjerena izjava kandidata da ima položen ispit "B" kategorije, broj vozačke dozvole i naziv organa koji je izdao istu ili drugi valjani dokaz o položenom vozačkom ispitu;
7. osoba iz člana 144. stav (3) Zakona o policijskim službenicima kantona (kojoj je UN/IPTF odbio certifikaciju) dužna je dostaviti ovjerenu izjavu o razlozima odbijanja certifikacije i original ili ovjerenu fotokopiju relevantnog dokumenta UN/IPTF-a kojim se potvrđuje odbijanje certifikacije;

Komisija za izbor će ispunjavanje općeg uvjeta, koji se odnosi na nevođenje krivičnog postupka i neizricanje pravomoćne kazne zatvora za krivično djelo, utvrditi naknadno po službenoj dužnosti i to za kandidate koji su predloženi za zapošljavanje. Ukoliko predloženi kandidat ne ispunji ovaj opći uvjet, bit će predložen slijedeći kandidat sa liste koji taj uvjet ispunjava.

Kandidati predloženi za zapošljavanje biti će upućeni na provjeru zdravstvene sposobnosti, kao opći uvjet, u Zavod za zdravstvenu zaštitu zaposlenika Ministarstva unutrašnjih poslova Kantona Sarajevo. Ukoliko predloženi kandidat ne zadovolji na ljekarskom pregledu, bit će predložen slijedeći kandidat sa liste koji taj uvjet ispunjava.

Kandidati predloženi za zapošljavanje, shodno utvrđenom stepenu tajnosti za radno mjesto, bit će predmet sigurnosne provjere, u skladu sa odredbama Zakona o zaštiti tajnih podataka («Službeni glasnik BiH», broj: 54/04 i 12/09) kao i odredbama podzakonskih propisa donesenih na osnovu navedenog Zakona. U slučaju da predloženi kandidat ne prođe sigurnosne provjere, bit će predložen slijedeći kandidat sa liste koji taj uvjet ispunjava.

Kandidati koji blagovremeno dostave potpune prijave i dokažu da ispunjavaju opće uvjete i posebne uvjete, imaju pravo pristupa testiranju, koje u skladu sa članom 59. Zakona o policijskim službenicima uključuje sljedeće:

- a) morfološki status,
- b) test općeg znanja, uključujući pisani rad (esej),
- c) test fizičke sposobnosti,
- d) intervju i
- e) drugi test koji Uprava policije smatra potrebnim ili opravdanim.

Kandidat koji ne zadovolji propisane kriterije za morfološki status, kao i kandidat koji ne ostvari eliminacioni prag bodova na jednom od testova iz tačke b) i c) bit će isključen iz daljeg procesa odabira.

Test općeg znanja obuhvatit će pitanja iz sljedećih oblasti:

- ustavno pravo (ustavno uređenje Bosne i Hercegovine, Federacije Bosne i Hercegovine i Bosansko-podrinjskog kantona Goražde),
- upravno pravo (upravni spor, upravni postupak i organizacija uprave u Federaciji Bosne i Hercegovine),
- Zakon o unutrašnjim poslovima Bosansko-podrinjskog kantona Goražde,
- Zakon o policijskim službenicima,
- kancelarijsko poslovanje,
- radno pravo,

- krivično pravo,
- prekršajno pravo,
- propisi iz oblasti sigurnosti saobraćaja na putevima, javnog reda i mira,
- propisi o ličnoj karti, ličnom imenu, prebivalištu, boravištu i državljanstvu građana.

Spisak propisa, sa brojevima službenih glasila u kojima su objavljeni, dostupan je na internet stranici Vlade BPK-a www.bpkg.gov.ba i na oglasnoj tabli MUP-a BPK-a Goražde.

Testiranje kandidata obaviti će se u skladu sa odredbama Pravilnika o načinu i rasporedu testiranja kandidata i sistemu bodovanja u procesu odabira policijskih službenika („Službene novine Bosansko-podrinjskog kantona Goražde“, broj: 12/20), koji je dostupan na internet stranici Vlade BPK-a www.bpkg.gov.ba i na oglasnoj tabli MUP-a BPK-a.

Potrebni dokumenti - dokazi o ispunjavanju općih i posebnih uvjeta Javnog konkursa predaju se u originalu ili ovjerenoj fotokopiji i ne podliježu vraćanju.

Prijava na Javni konkurs se podnosi na posebnom obrascu koji se može preuzeti na internet stranici Vlade BPK-a www.bpkg.gov.ba ili na pisarnici MUP-a BPK-a.

Kandidat je obavezan da uz potpis na obrascu prijave na javni konkurs upiše serijski broj lične karte i naziv organa koji je izdao navedeni dokument, kao i da potpiše saglasnost za korištenje ličnih podataka, koja je sastavni dio obrasca prijave na javni konkurs.

Ispunjavanje uvjeta utvrđenih ovim konkursom računa se sa danom predaje prijave kandidata.

Prijave sa potrebnim dokumentima se predaju u roku od 30 dana od dana zadnjeg objavljivanja Javnog konkursa, neposrednom predajom na pisarnici MUP-a BPK-a, ul. Zaima Imamovića br. 5, 73000 Goražde, svakim radnim danom u vremenu od 08,00 do 16,00 sati ili preporučenom poštom, sa naznakom "za Javni konkurs - početni čin „policajac“ i "mlađi inspektor- NE OTVARAJ".

Trajanje osnovne obuke za kadete u činu "policajac" iznosi dvanaest mjeseci i u činu "mlađi inspektor" šest mjeseci, a po zasnivanju radnog odnosa probni rad traje ukupno dvanaest mjeseci.

Neblagovremene, neuredne i nepotpune prijave neće se razmatrati.

KOMISIJA ZA IZBOR

(ime, ime jednog roditelja i prezime)

(adresa i mjesto stanovanja)

(kontakt tel.)

**BOSANSKO-PODRINJSKI KANTON GORAŽDE
MINISTARSTVO ZA UNUTRAŠNJE POSLOVE
UPRAVA POLICIJE
Komisija za izbor**

PRIJAVA NA JAVNI KONKURS za početni čin "POLICAJAC" i "MLADI INSPEKTOR".

Podnosim prijavu na Javni konkurs koji ste objavili i prijavljujem se za početni čin _____ . O sebi dajem sljedeće podatke (ukratko navesti ili dostaviti kraću biografiju u prilogu):

U prilogu dostavljam sljedeće isprave kojima dokazujem ispunjavanje općih i posebnih uvjeta Javnog konkursa:

1. uvjerenje o državljanstvu BiH,
2. izvod iz matične knjige rođenih,
3. dokaz o završenoj školskoj spremi,
4. potvrda ili uvjerenje organa uprave, institucija sa javnim ovlastima na svim nivoima vlasti u BiH ili vojne službe u BiH, da nisam otpušten/a iz organa uprave, institucija sa javnim ovlastima na svim nivoima vlasti u BiH ili vojne službe u BiH ,kao rezultat disciplinske mjere, odnosno, od nadležnog organa ovjerenu, izjavu da nisam bio/bila uposlen/a niti otpušten/a iz organa uprave, institucija sa javnim ovlastima na svim nivoima vlasti u BiH ili vojne službe, kao rezultat disciplinske mjere,
5. ovjerenu izjavu, da nisam optužen/a od Međunarodnog krivičnog tribunala za bivšu Jugoslaviju i da nisam odbio/la pojaviti se pred Tribunalom;
6. ovjerenu izjava da imam položen vozački ispit "B" kategorije, broj vozačke dozvole i naziv organa koji je izdao istu;
7. ovjerenu izjavu o razlozima odbijanja certifikacije i original ili ovjerenu fotokopiju relevantnog dokumenta UN/IPTF-a kojim se potvrđuje odbijanje certifikacije (za osobu iz člana 144. stav (3) Zakona o policijskim službenicima - kojoj je UN/IPTF odbio certifikaciju) ;
8. Serijski broj lične karte _____ izdata od _____

S poštovanjem,

(puni potpis kandidata)

(ime davalca saglasnosti, ime jednog roditelja i prezime)

S A G L A S N O S T
ZA KORIŠTENJE I OBRADU LIČNIH PODATAKA
U PROCESU ODABIRA KANDIDATA
PO JAVNOM KONKURSU

Ja _____ dajem pismenu saglasnost Upravi
(ime, ime jednog roditelja, i prezime)
policije u Ministarstvu za unutrašnje poslove Bosansko-podrinjskog kantona Goražde (uključujući sva ostala nadležna tijela za provođenje Javnog konkursa) za korištenje i obradu mojih ličnih podataka, kroz cjelokupan proces odabira kandidata po Javnom konkursu za popunu upražnjenih radnih mjesta policijskih službenika u Upravi policije Ministarstva za unutrašnje poslove BPK-a Goražde-početni čin "Policajac" i "Mlađi inspektor" broj: 07/II-30-2/21, u skladu sa Zakonom o zaštiti ličnih podataka ("Službeni glasnik BiH", broj:49/06,76/11 i 89/11), što potvrđujem svojeručnim potpisom.

DAVALAC SAGLASNOSTI

/ime i prezime /

/ broj lične karte /

Datum: _____